

AUGLÝSING

um staðfestingu sjávarútvegsráðuneytisins á verðgrundvelli fyrir
frystan hörpudisk á framleiðslutímabilinu 1. febrúar til 31. maí 1990
eða þar til annað verði ákveðið.

Með skírskotun til laga nr. 72, 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs, hefur ráðuneytið staðfest eftirfarandi verðgrundvöll fyrir frystan hörpudisk á framleiðslutímabilinu 1. febrúar til 31. maí 1990 eða þar til annað verði ákveðið.

Laus- og blokkfrystur hörpudiskur	SDR pr. lb. cif.
Færri en 60 stk. í lb.	2.90
Fleiri en 60 stk. í lb. og óflokkað	2.69
Hálfhreinsaður	1.32
Rauður og brotinn	1.63

Verðbil verður 5%.

Greiðslur í eða úr sjóðnum nema 50% af verðbreytingu frá grundvallarverði að viðbættu eða frádrægnu verðbili.

Verðið miðast við viðskiptagengi (skilagengi) eins og það verður á hverjum tíma.

Sjávarútvegsráðuneytið, 6. febrúar 1990.

F. h. r.

Jón B. Jónasson.

Kristín Magnússon.

REGLUGERÐ

um fræðsluráð.

I. KAFLI

Kosning og skipan fræðsluráða.

1. gr.

Fræðsluráð starfa í fræðsluumdæmunum átta skv. 10. gr. laga nr. 63/1974 um grunnskóla.

Fræðsluráð Reykjavíkur fer jafnframt með hlutverk skólaneftar í Reykjavík, sbr. 18. gr. grunnskólalaga.

2. gr.

Fræðsluráð skal skipað fimm eða sjö mönnum sem kjörnir eru af sveitarstjórnnum eða samtökum sveitarfélaga í hlutadeigandi fræðsluumdæmi. Jafnmargir skulu kjörnir til vara. Um kosningu og starfshætti fer eftir meginreglum sveitarstjórnarlaga, nr. 8/1986.

Stéttarfélag kennara í fræðsluumdæmi tilnefni úr hópi settra og skipaðra kennara og skólustjórnenda við grunnskóla umdæmisins þrjá aðalfulltrúa til að starfa með fræðsluráði og jafnmarga varamenn.

Gildistíma tilnefningar þeirra lýkur samtímis kjörtímabili fræðsluráðsmanna.

II. KAFLI

Fundarboðun og fundarskóp.

3. gr.

Aldursforseti fræðsluráðsmanna kveður fræðsluráð saman til fyrsta fundar svo fljótt sem vera má eftir að það hefur verið kosið.

Stefnt skal að því að fyrsta fund nýkjörins fræðsluráðs saki allir aðalmenn.

Aldursforseti setur fyrsta fund nýkjörins fræðsluráðs og stjórnar síðan kosningu formanns og ritara en áður skal ráðið hafa gert samþykkt um lengd kjörtímabils þeirra.

Kjósa skal varaformann og vararitara fræðsluráðs til sama tíma og aðalmenn.

Tilkynna skal menntamálaráðuneytinu og hlutaðeigandi samtökum sveitarfélaga nöfn formanns og ritara og varamanna þeirra svo fljótt sem við verður komið.

4. gr.

Formaður fræðsluráðs kveður ráðið saman til funda. Formaður fræðsluráðs stjórnar fundum þess.

5. gr.

Fræðsluráð kemur saman til funda svo oft sem þurfa þykir, þó eigi sjaldnar en fjórum sinnum á ári.

Skylt er formanni að kveðja fræðsluráð til fundar þegar fræðslustjóri æskir þess eða ef a.m.k. tveir aðalmanna í fræðsluráði eða stjórn hlutaðeigandi samtaka sveitarfélaga óska þess enda sé fundarefni tilgreint.

Fræðsluráð skulu a.m.k. einu sinni á ári halda fund með öllum skólastjórum og skólanefndarformönnum fræðsluumdæmisins.

6. gr.

Fræðsluráðsfundur telst löglega boðaður ef allir fræðsluráðsmenn eða varamenn í forföllum aðalmanna, svo og aðrir þeir, er reglulega eiga sæti í fræðsluráði, hafa verið boðaðir með a.m.k. tveggja sólarhringa fyrirvara.

Í fundarboði skal geta fundarefnis.

7. gr.

Fræðsluráð afgreiðir mál með ályktunum á fundum.

Fræðsluráð getur enga ályktun gert nema meirihluti fræðsluráðsmanna sé á fundi.

Afl atkvæða ræður úrslitum um afgreiðslu mála.

Enginn fræðsluráðsmaður hefur atkvæðisrétt um þau mál sem varða hann sjálfan og skal hann í slíkum tilvikum víkja sæti fyrir varamanni.

8. gr.

Allar ályktanir fræðsluráðs skulu ritaðar í gerðarbók. Afrit af fundargerðum fræðsluráðs skal sent menntamálaráðuneytinu, sveitarstjórnnum og hlutaðeigandi samtökum sveitarfélaga svo fljótt sem verða má að loknum hverjum fundi.

9. gr.

Samtök sveitarfélaga eða sveitarfélög skulu greiða kostnað við fundarstörf í fræðsluráði fyrir fulltrúa á þeirra vegum. Kostnaður vegna fundarsetu annarra fulltrúa í fræðsluráði greiðist úr ríkissjóði.

10. gr.

Rétt til setu á fundum fræðsluráðs með málfrelsi og tillögurétt eiga fræðslustjóri, framkvæmdastjóri hlutaðeigandi samtaka sveitarfélaga eða fulltrúi hans í forföllum, og þrír

fulltrúar samtaka kennara á grunnskólastigi í fræðsluumdæminu þar af einn fulltrúi skólustjórna.

Ennfremur eiga skólustjórar rétt til setu á fundum fræðsluráðs með málfrelsi og tillögurétt þegar málefni skóla þeirra eru þar sérstaklega til umfjöllunar. Hið sama gildir um fulltrúa sveitarfélaga þegar fjallað er um mál tiltekins sveitarfélags.

III. KAFLI

Verkefni fræðsluráðs.

11. gr.

Fræðsluráð fjallar um og fer með sameiginleg málefni sveitarfélaga á sviði fræðslumála í hlutaðeigandi fræðsluumdæmi.

Fræðsluráð skal vera fræðslustjóra til ráðuneytis eftir því sem við á og getur samið við hann um að annast framkvæmdastjórn fyrir ráðið.

Fræðsluráð hefur samvinnu við skólanefndir og samræmir störf þeirra í umdæminu eftir því sem við á.

Að öðru leyti fer fræðsluráð með þau málefni, sem sveitarstjórnir fela þeim eða ákveðin kunna verða í reglugerðum settum samkvæmt lögum nr. 63/1974 um grunnskóla.

12. gr.

Fræðsluráð getur að fenginni heimild hlutaðeigandi samtaka sveitarfélaga eða sveitarfélags samið við fræðslustjóra um að fræðsluskrifstofa annist störf fyrir fræðsluráð, enda komi full greiðsla fyrir.

13. gr.

Fræðsluráð gerir tillögur til menntamálaráðuneytisins um ráðningu fræðslustjóra umdæmisins, setningu hans eða skipun, sbr. 13. gr. grunnskólalaga.

14. gr.

Menntamálaráðuneytið leggur tillögur um skiptingu landsins í skólahverfi fyrir fræðsluráð sem umræðugrundvöll en fræðsluráð kynnir þær sveitastjórnnum, skólanefndum og skólustjórum sem hlut eiga að máli, sbr. 16. gr. grunnskólalaga.

15. gr.

Fræðsluráð lætur í té umsögn um beiðni skólanefndar um að hefja kennslu á tímabilinu 15. september til 1. október. Einnig getur fræðsluráð, að fenginni umsögn fræðslustjóra, heimilað skólanefnd að allt að fjórðungur kennslu fari fram í sumarskóla. Þá getur fræðsluráð, ásamt hlutaðeigandi skólanefnd, ákveðið hvort í skólahverfinu skuli vera 5 eða 6 daga skólavika.

16. gr.

Reglugerð þessi er sett samkvæmt heimild í 3. mgr. 11. gr. og í 84. gr. laga nr. 63/1974 um grunnskóla, sem breytt var með lögum nr. 87/1989 um breytingu á verkaskiptingu ríkis og sveitarfélaga. Reglugerð þessi öðlast gildi 20. febrúar 1990.

Menntamálaráðuneytið, 12. febrúar 1990.

Svarar Gestsson.

Sólrún Jensdóttir.